

ÁKVÖRÐUN SAMEIGINLEGU EES-NEFNDARINNAR
nr. 64/2002

frá 31. maí 2002

um breytingu á XXI. viðauka (Hagskýrslugerð)
við EES-samninginn

SAMEIGINLEGA EES-NEFNDIN HEFUR,

með hliðsjón af samningnum um Evrópska efnahagssvæðið, eins og hann var aðlagður með bókun um breytingu á samningnum um Evrópska efnahagssvæðið, er nefnist hér á eftir samningurinn, einkum 98. gr.,

og að teknu tilliti til eftirfarandi:

- 1) XXI. viðauka við samninginn var breytt með ákvörðun sameiginlegu EES-nefndarinnar nr. 45/2002 frá 19. apríl 2002 ⁽¹⁾.
- 2) Reglugerð ráðsins (EB) nr. 1172/98 frá 25. maí 1998 um hagskýrslur um vöruflutninga á vegum ⁽²⁾ skal felld inn í samninginn.
- 3) Reglugerð ráðsins (EB) nr. 1172/98 fellir út gildi frá 1. janúar 1999 tilskipun ráðsins 78/546/EBE frá 12. júní 1978 um hagskýrslur um vöruflutninga á vegum sem hluta af svæðaskýrslum ⁽³⁾, með áorðnum breytingum, sem er hluti af samningnum og ber því að fella hana brott úr honum.
- 4) Reglugerð framkvæmdastjórnarinnar (EB) nr. 2691/1999 frá 17. desember 1999 um reglur um framkvæmd reglugerðar ráðsins (EB) nr. 1172/98 um hagskýrslur um vöruflutninga á vegum ⁽⁴⁾ skal felld inn í samninginn.

ÁKVEÐIÐ EFTIRFARANDI:

⁽¹⁾ Stjtið. EB L 154, 13.6.2002, bls. 32 og EES-viðbætur við Stjtið. EB nr. 29, 13.6.2002, bls. 23.

⁽²⁾ Stjtið. EB L 163, 6.6.2001, bls. 1.

⁽³⁾ Stjtið. EB L 168, 26.6.1978, bls. 29.

⁽⁴⁾ Stjtið. EB L 326, 18.12.1999, bls. 39.

1. gr.

Eftirfarandi breytingar skulu gerðar á XXI. viðauka við samninginn:

1. Eftirfarandi komi aftan við lið 7e (reglugerð framkvæmdastjórnarinnar (EB) nr. 2163/2001):

„7f. **398 R 1172:** Reglugerð ráðsins (EB) nr. 1172/98 frá 25. maí 1998 um hagskýrslur um vöruflutninga á vegum (Stjtið. EB L 163, 6.6.1998, bls. 1), eins og henni var breytt með:

- **399 R 2691:** Reglugerð framkvæmdastjórnarinnar (EB) nr. 2691/1999 frá 17. desember 1999 (Stjtið. EB L 326, 18.12.1999, bls. 39).

Ákvæði reglugerðarinnar skulu, að því er þennan samning varðar, aðlöguð sem hér segir:

- a) Eftirfarandi komi í stað 2. undirgreinar 3. mgr. 5. gr:

„Fyrsta sending skal taka til fyrsta ársfjórðungs 2002.“

- b) Ísland er undanþegið frá því að senda gögnin sem krafist er í þessari reglugerð.
- c) Liechtenstein skal útvega gögn í samræmi við þessa reglugerð en aðferðir við gagnasöfnun skulu aðlagðar að sérstöku fyrirkomulagi flutninga á vegum í landinu í samráði við Hagstofu Evrópubandalaganna. Einkum er Liechtenstein heimilt að senda gögn sem taka eingöngu til ökutækja sem annast reglubundna vöruflutninga á yfirráðasvæði aðildarríkja EES.
- d) Gögnum fyrir Liechtenstein skal komið á framfæri í fyrsta skipti á fyrsta ársfjórðungi 2003.“

2. Texti 5. liðar falli niður.

2. gr.

Texti reglugerða (EB) nr. 1172/98 og 2691/1999, á íslensku og norsku, sem verður birtur í EES-viðbæti við *Stjórnartíðindi Evrópubandalaganna*, telst fullgiltur.

3. gr.

Ákvörðun þessi öðlast gildi hinn 1. júní 2002, að því tilskildu að allar tilkynningar samkvæmt 1. mgr. 103. gr. samningsins hafi verið sendar sameiginlegu EES-nefndinni (*).

(*) Engin stjórnskipuleg skilyrði gefin til kynna.

4. gr.

Ákvörðun þessi skal birt í EES-deild og EES-viðbæti við *Stjórnartíðindi Evrópubandalaganna*.

Gjört í Brussel 31. maí 2002.

*Fyrir hönd sameiginlegu EES-nefndarinnar
Formaður*

P. Westerlund

*Ritarar
sameiginlegu EES-nefndarinnar*

P.K. Mannes M. Brinkmann

